

四庫全書

子部

欽定四庫全書

子部

聖濟總錄纂要卷二十一

詳校官太醫院醫官臣姜晟

編修臣倉聖脉覆勘

總校官降調編修臣倉聖脉

校對官修撰臣吳錫齡

謄錄監生臣王宮

欽定四庫全書

聖濟總錄纂要卷二十一

休寧程林纂

瘡腫門

丁腫

論曰丁腫者由風邪毒氣入于肌肉所生也凡有十種
一者瘡頭烏而強凹二者瘡頭白而腫實三者瘡如堊
堊色四者瘡似葩紅色五者瘡頭內有黑六者瘡頭赤

紅而浮虛七者瘡頭葩而黃八者瘡頭如金箔色九者瘡頭如茱萸十者瘡頭如石榴子亦有初如風疹搔破青黃汁赤裏有赤黑脉而小腫亦有全不令人知忽衣觸手摸着則痛若故取便不知處亦有肉突起如魚眼之狀赤黑礮痛徹骨久結皆變至爛瘡瘡下深孔如火針穿之狀初作時突起如丁蓋故名丁瘡令人惡寒四肢強痛三日瘡變焦黑腫大光起根硬不可近犯之則痛徹骨其發于手足頭面骨節間為氣血所會尤宜速

治不然毒氣入腹煩悶恍惚如醉人治無所施矣

丁腫方

河東柳宗元偶病丁瘡凡四十日他藥治之莫效
長樂賈宣伯教用蜣螂心貼之一夕而穴百苦皆
已次年春因食鷺羊肉丁又大作再用之亦如神
效按蜣螂心在腹下度取之其肉稍白者是也以
此貼瘡半日許可穴再易之血盡根出而愈矣

巴豆塗 治丁瘡乃日本國傳來者

巴豆

十粒

半夏

一枚

附子

半枚

蜣螂

一枚

各為末以人糞相和看大小瘡作紙圈子圍瘡口以藥傳上用絹貼之一日三易

地骨皮散 同上

地骨皮

五錢

小麥

大麻子

各十粒
燒灰

緋帛

五寸
燒灰

亂髮

卵大
燒灰

半夏

七枚
炒黃

曲頭棘刺

二十枚
燒灰
即鍼倒下多

者年

用骨皮半夏為末與各灰同研勻酒下二錢日二

乾薑胡椒傳 治一切丁腫惡毒

乾薑

胡椒

炒

龍骨

皂莢

去皮
子炙

斑猫

去翅
足一

兩

共末用酒和如膏貼上日二

諸疥

論曰字書以疥有介守之義言雖微小介然守形體而難治是以疥有五名皆因風熱邪氣客于皮膚之間久則化為蟲時作痛痒故作為瘡腫焮赤痛痒者謂之大

疥皮內引起結根搔之不痛謂之馬疥瘙痒皮起謂之乾疥三者為重以風濕熱氣深在肌肉故也若水疥瘡癰如癰漿濕疥瘡小而汁出特風熱淫於皮膚之間故淺而輕俱風熱之客故皆有蟲或謂蟻蟲內出理或然也治宜疏風滌熱當以薰浴傳塗湯液並施則善

苦參散 治徧身瘡疥風毒瘙痒

苦參 白花蛇

酒浸去皮骨炙

川連

川歸

三兩

人參

玄參 丹參 白芍

防風

錢五

白蒺藜

炒去刺一兩

共末酒下二錢

快肌丸 治偏身瘡疥瘙痒

威靈僊

三兩
為末

雄猪膽

三枚

用膽汁和末丸梧子大荆芥湯下二十九

防風丸 治一切風疥瘡癬皮膚瘙痒癰疹

防風

蟬脫

猪牙皂

免去皮
二兩

天麻

三兩

共末用精羊肉煮極爛以酒熬成膏丸梧子大用荆

芥酒下三十丸日二

苦參丸 治一切疥瘡

苦參 玄參 山梔 獨活_{二兩} 甘菊 防風

大黃_{炒香熟} 片苓 枳殼_{一兩} 川連_{兩半}

共末蜜丸梧子大酒下二十九日二

五參散 治諸疥風虛惡瘡

人參 玄參 丹參 沙參 苦參 秦艽

白蒺藜_炒 山藥 子苓 防風 麻黃_{去根節}

獨活 茯苓 細辛_{五錢} 山梔 枳殼_{三分}

烏蛇肉

酒炙
一兩

共末水下三錢日二

雞子油塗 治一切惡疥瘡

雞子

七枚煮熟用
黃慢炒取油

膩粉

髮灰

枯礬

一分

石硫黃

五錢

共研入油和勻塗上日三五次差

諸癬

論曰癬之字從鮮言始發于微鮮縱而弗治則浸淫滋

蔓其病得之風濕客于腠理搏于肌肉否滯久則因風濕而變化生蟲故風多于濕則為乾癬但有周郭皮枯瘙痒搔之皮起白屑者是也濕多于風則為濕癬周郭中如蟲行浸淫赤濕搔痒汁出是也風搏于氣血則為風癬癬痺不痛痒是也如錢形則為圓癬如雀目則為雀目癬亦皆赤痛而瘙痒又或牛犬所飲之水刀刀磨淬之漿取以盥濯毒氣傳人亦能生癬故得于牛毒者狀似牛皮于諸癬中最為痛厚乃邪毒之甚者俗呼為

牛皮癬狗癬白點而連綴刀癬縱斜無定形凡此八者
皆風濕毒氣搏于肌中故痛痒不已久而不差又謂之
大癬

苦參丸 治一切風癬皮膚瘙痒

苦參 烏蛇肉 炙四兩 石菖蒲 二兩

共末入蜜丸梧子大酒下二三十丸

丁香散傳

丁香 蝦蟆灰 一兩 麝香 一分 枯礬 五倍子

膩粉

研五錢

各末研勻傳上

一抹散 治乾癬

天南星 草烏頭

各一枚
生為末

用羊蹄根搗取自然汁調塗三日差

狼牙丹砂膏 治一切乾濕諸癬

狼牙 丹砂 枯礬 雷丸 雄黃 藜蘆

硫黃

一兩

共末入豬脂和成膏日塗三五次

代指

即天蛇頭

論曰瘡發指端爪甲脫落名曰代指蓋爪者筋之餘筋骨熱盛注于指端故其指先腫赤熱焮痛結聚成膿甚則爪甲脫落世俗謂之遭指又名淪指又名代甲其實此病類于指疽然無蘊毒故色不黯黑即病雖久亦不殺人也

漏蘆湯 治代指筋骨臟腑中熱焮赤腫痛

漏蘆 升麻

子芩

大黃

炒一兩

玄參

三分

水煎五錢入淡竹葉二七片煎減半去滓入芒硝一錢再二三沸溫服日二已利去芒硝

地龍散 治代指

地龍

去泥瓦上炙為末用豬脂和塗患上日二

升麻湯浸 治代指雖內無蘊毒然筋骨中熱氣壅盛

升麻

生甘草

一兩

用水煎去滓入芒硝末一兩攪勻浸指數十次

蛇頭疔瘡痛不可忍臭不可聞

蜈蚣一條焙乾為末猪膽汁調

又用黑豆生研末入繭內籠之

醬蜜塗 治代指不結靨

醬汁 白蜜

二味和煎令沸稍熱塗上日三五次

熱湯醃 治代指為五臟氣流注十二經毒熱冲于手

指

熱湯

急蘸五七次冷水浸之又復如此三度便塗羊膽汁
差未成膿者用此方甚效或以猪膽盛代指用線扎
之亦妙

諸丹毒

論曰熱毒之氣暴發于皮膚間不得外洩則蓄熱為丹
毒以其色如塗丹之赤又復陽氣伏于皮膚中故謂之

丹因熱氣慄悍其發無常處大則如掌甚則周流四肢若不急治或壞爛出膿血若發于骨節之間則以藥斷截毒氣入腹則能殺人治法用鑣割明不可緩故也

漏蘆湯 治丹毒遊走

漏蘆 升麻 白芍 子芩 白斂 白薇

麻黃

去根節

甘草

大黃

一兩

水煎五錢溫服日二

赤小豆塗 治丹毒如掌大身赤腫痛痒

赤小豆

為細末以雞子白和如膏塗丹上日二

吳藍湯搗 治丹毒

吳藍 升麻 石膏 片苓 白斂 犀角

一兩

生地

三分

山梔 大黃

五錢

水煎一兩入竹瀝浸搗

羚羊角塗 治赤黑丹毒

羚羊角

燒灰

研細以雞子白和如膏塗患上日二次差

鹿角散塗 治赤黑丹

鹿角

燒灰存性研末入熟猪脂和塗日二

癰瘡

論曰內經謂汗出見濕乃生癰癰蓋熱盛汗出陽氣發泄而腠理疎反以寒水洗浴則熱氣內鬱於皮腠之間輕則為癰重則為瘰也世俗通謂之癰子其狀皮肉如

毫針所刺徧體細瘡如麩片愈而復發是也

葛粉傳 治痱子

葛粉

三兩

生甘草

一兩

風化石灰

微炒
五錢

共研撲之

滑石豆粉傳 治痱子

滑石

飛過

菜豆粉

棗木葉

共研末傳之日三

乾壁土傳 治暑月肌膚瘡爛或因搔成瘡者

陳乾壁土

取向東
方者

研細傅之日三四次隨手即愈

肉刺

論曰肉刺者生于足指間形如鞭脈與肉相附隱痛成刺由靴履急穿相摩而成名為肉刺俗呼為雞眼睛是也

膠脂膏貼 治肉刺

栢木上白膠

明松脂

一兩

黃蠟

五錢

將膠脂熬化入蠟成膏貼之

酥粉傳 治肉刺

蟬酥

自取者

膩粉

一錢

將酥浸濕入粉研勻用鍼撥破塗上蜜裏日二

礪砂傳 同上

礪砂

醋化熬成霜以少許和栢膠傳之其根即出

金瘡門

金瘡血不止

論曰血行脉中周行灌溉而無窮已金刃所傷深則其流湍激若海洩河決禦之至難要在杜其冲溢之勢外觀其形內訂其脉之何如若血出不斷其脉大而止者為易治若血出不止前赤後黑或黃或白肌肉腐穢寒冷踈急者為難治不可不察也

麻黃散 治金瘡止血悶疼痛

麻黃

兩半

白芷

附子

白芍

川歸

續斷

乾薑 炙甘草 子芩 川芎 桂心
錢五

共末酒下二錢日二

天南星散 治刀办所傷血出不止

天南星
三枚 鉛丹
炒紫一錢

共末研勻乾貼患上日二

刀箭方 治血出不止

石灰
遠年者一兩 鉛丹
炒三分 龍骨 狗腦骨
燒錢五

共末傅上日二

風化散 治金瘡止血定痛

風化石灰

升一

乾薑

分三

生栗子

白藥

兩五

午日共末以備急用

石榴花散 同上

石榴花

乾者
五錢

石灰

炒升
半

共末用少許傳上少刻斷血止痛

蒲黃散 治金瘡血出腹脹欲死

蒲黃 生地黄

兩半

川芎

白芷

川歸

黃芪

續斷一

兩

甘草三

分

共末空心酒下三錢令腹中死血化為水日三若口
噤用物幹開灌之加大黃兩半

金心傷中筋骨

論曰金心所中至於筋骨其所傷深矣然接骨絕筋亦
可接續要在乘血氣未寒急施治法若不乘熱則風冷
易入瘡縱暫愈後必不仁亦致痛煩而終身不完至于
小碎之骨即當出之不爾則膿血不絕肌肉亦不能收

斂矣

骨碎補丸 治一切金刃傷中筋骨風冷所入疼痛

骨碎補

三兩

山藥

附子

虎骨

炙

桂心

白檳榔

自然銅

醋淬七次

熟地

敗龜板

醋炙

白薇

山萸肉

澤蘭葉

一兩

五味子

川歸

乾薑

五錢

肉蓯蓉

二枚

肉蓯蓉

三分

共末入蜜杵丸如梧子大酒下二三十九日二

金瘡中風水及瘰

論曰金瘡中風水者以封固不密所致也夫中風之候其倉卒無汁中水之候則出青黃汁而又疼痛發熱內腫硬時為瘕狀可急治之凡瘕狀口急背直搖頭馬鳴腰為反折須臾十發氣息如絕汗出如雨治不可緩緩則不能救療

熟地丸 治遠年傷折忽因風氣于舊處痛不可忍

懷熟地

四兩

杏仁

去皮尖炒

牛膝

兩半

黃芪

苦參

兔絲子

酒煮

肉蓯蓉

草薢

炒一兩

升麻

桂心

分三

青木香

分一

訶勒皮

錢五

共末入蜜丸梧子大酒下二三十九日二

雞屎白豆酒 治金瘡中風反張者

雞屎白

合一

大豆

合二

先以豆炒焦黑入屎白同炒熟又以瓶貯酒三升乘
熱豆傾酒中蓋良久去滓服五合少頃又服取汗出
飲酒後以薑粥助之

羌活飲 治金瘡并傷折骨諸瘡腫慎不可當風臥濕

地取涼若風濕所傷則發瘥口噤殺人若覺頸項強身拘急便服

羌活

一兩

竹瀝

三鍾

用水煎羌活減半去滓入瀝再沸分三服

川椒 治金瘡中風

川椒

生用
三兩

看瘡大小用麴作餵飣灰火中炮熟乘熱開一孔當瘡上罨之劫引風出多做候換數次差

川芎湯 治金瘡中風痛不可忍

川芎 防風 羌活 川歸 一兩 炙甘草 三分

水煎六錢熱服取汗如汗不出加麻黃一兩桂心三分湯成入竹瀝沸服日二

鹽韭傳 治金瘡中風水腫

韭白 食鹽 等分

共搗爛放瘡上以火炙藥上熱徹愈

又方

鹿角

燒灰存性研末用猪脂和塗日二差

金瘡腸出

論曰金刃所傷有腸出者有腸出已斷者視其輕重以決死生腸有一頭見者不可續也若腹痛不可忍短氣不能食近則一日遠則三日治無及矣腸有兩頭見者速以桑白皮按作線或以麻縷續之仍用雞白塗隙勿令氣洩推內之密縫瘡口用雄雞血塗之腸有出而不

斷者以大麥汁洗而內之亦如前法須研米粥飲二十餘日強糜百日方可食飯又不可令飽恐其腸斷仍常以湯散助之

磁石散 治金瘡腸出宜入之

磁石

醋淬
七次

滑石

飛過
等分

同研酒下一錢日三及以針砂塗腸上其腸自收入而無害

小麥飲噴腸方 治金瘡腸出不能入

小麥

三升

用水九升煮汁五升以綿濾過候冷含噴瘡上漸入以冷水噴其背不令病人知亦不可使傍人語卒然急噴其腸自入不可食飽勿使病人驚恐恐驚則殺人難治

毒箭所傷

論曰箭瘡毒藥入皮膚肌肉間令人短氣悶絕口噤唇乾血雖止而腹滿不能言其人如醉者為難治若瘀血

應時出其瘡溫而熱開口能言則可治巢氏論毒箭有三種曰嶺南夷俚人用焦銅作箭鏃其嶺北諸處以蛇毒螫物汁著管中漬箭鏃及有以苗藥為之者三種傷人皆不易治唯急飲糞汁可以禦其毒少緩則毒氣深入不可救也慎之慎之

半夏飲 治毒箭所傷箭鏃毒藥在內不出

半夏

三兩用生薑二斤取汁浸三日

白斂

三兩

同炒為末酒下一錢日三瘡淺十日出瘡深二十日

方出

雄黃塗 治毒箭所傷

明雄黃

研極細傅瘡上日四五汁出愈 此方治毒蛇蜈蚣

咬亦妙

生薑飲 治中毒箭

生薑

取自然汁飲五分未退再飲 一方用甘草煎汁頻

飲

旋復根散 治中毒箭

旋復根

為末酒下二錢日三仍傅瘡上

無根
用花

箭鏃金亦入肉

論曰凡箭鏃金亦入肉治宜速出內有碎骨亦須去盡
然後傅藥不然其瘡必不合縱然少愈亦常作疼痛若
神驚血亂氣奪則死無救

丹皮散 治金瘡箭頭在骨多年不出

丹皮 白斂 丁香 麝香 藿香

兩

桑白皮

分一

共末溫酒下二錢淺者十日深者二十日箭頭自出

又方 同上

磁石

生研
極細

明雄黃

分三

同研勻用菉豆煮汁下二錢十日後輕撥便出手足
上用此末點之亦自出

紅散子 治中箭頭用之摩瘡口上

蔓陀羅子 草烏 茄子花 蓖麻子

麒麟竭

五錢

共末以好酒和調塗摩瘡上箭頭自出

解骨丸 治箭鏃不出能令自出

明雄黃 象牙末

蠅螂

一兩

共末入蜜杵丸黍米大用一丸內瘡中以細膩羊腎

脂貼之箭頭自出

鼠肝傳 治箭頭不出

鼠肝

五枚

研如泥傳之兼以鼠腦髓塗之良亦治針折肉中塗之自出

象屑塗 治箭頭不出

象牙屑

研末用蜜和塗瘡上并折針竹木刺皆出

狐尿刺

論曰狐尿刺者乃狐狸尿草棘上人有誤犯則發腫痛
焮熱多在于手足指節然亦有端居不出而被此毒者
蓋毒氣有相類之症亦不因狐狸尿乃爾也

白斂膏 治犯狐尿久不差

白斂 羊屎 括萆根

五錢

共搗如膏裹瘡上一伏時其刺自出

大豉傳 治狐尿刺在手足指節間腫痛

大豉

一兩

細嚼熟傅之少頃取下看豉中有毛效如不見毛又嚼傅之以毛出為度

桂心黃蠟丸 治一切惡刺入肉者

桂心

研末用黃蠟化丸看瘡口大小置丸瘡內以濕紙三五重搭蓋以火燂候丸化入肉其刺自出如無刺其傷處亦平也

獨栗塗 治惡刺不出

獨顥栗

去衣嚼如泥塗瘡上帛裹半日有刺自出

惡刺

論曰惡刺初得以蛇虺毒氣經由草木水澤間有人染著忽似刺割俄致腫痛其肉潰爛若手足上著注即指節墮落土人諳歷既多初覺中刺時以艾灸數十壯十愈八九灸弗愈者速以下藥塗傳

葱白蒲公草膏 治中一切惡刺

葱白

一把

蒲公草

五兩

大豉

一分

共爛搗塗瘡上外用醋麵紙封自出

木蟲塗 治惡刺

木中蟲

五枚

用米醋和研如泥封之差

黑豆汁漬 同上

黑豆

一升

用水煮取濃汁頻頻漬之差

竹木刺傷肌肉不出

論曰竹木刺所傷為患甚淺然入人肌肉久不得出則損動榮衛而作瘡或中風水則腫痛若成膿淹留歲月未易治也但刺傷之初宜速治之加以塗傳無致風水之患

羊屎傳 治竹木刺

羊屎

炙乾為末用豬脂和傳日三五上經宿自出

象牙散傳 治竹木刺并鉞折不出

象牙屑

為末以雄鼠腦髓和傳上立出

糯米膏 治金瘡水毒癰疽熱毒竹木等刺

糯米三升

於端午日前四十九日以冷水浸之日二換水輕淘
至午日午時曝乾挂風處凡遇患用少許炒焦為末
水和成膏塗瘡口帛縛候瘡愈解去若金瘡誤犯生

水作膿腫甚者急用此膏塗之良久其腫處即消若
癰疽毒瘡初發纔覺焮腫痛并疥腮等症用此末貼
項下及腫處若竹木簽刺入肉者臨臥時貼之明日
揭看其刺自出在藥內若貼腫毒藥乾即換之須常
令濕為妙唯金瘡及水毒切不可換恐傷動瘡口

痔瘻門

諸痔

論曰痔有五名一曰牡痔二曰牝三曰脉痔四曰腸痔

五曰血痔症雖小異大率皆飲食飽甚情慾過度之所致也夫飲食飽則腸胃傷情慾過則氣血耗毒氣乘虛流入下部所以澀積而為痔也

如神丸 治腸風五痔

烏蛇肉

酒炙

防風

大黃

煨二兩

枳殼

炒

黃芪

刺蝟皮

炙黑

陳皮

白蒺藜

炒去刺

秦艽

兩半

共末入蜜杵丸梧子大空心酒下三十九臨臥再服

當日血止定痛

神妙湯 薰洗五痔

萆薢 甘草 五倍子 括蔞根 大豉

葱白

等分

每日用一二兩煎水薰洗日二

神白散 治痔瘡下部發腫如梅李大痛硬不能行者
即時取效

半夏

齊州者

每用一枚研極細入冰片一小皂子大同研勻用津

唾和攤軟紙上貼之即冷如冰良久清水漸消未
全愈再貼去根尤妙

牡痔

論曰內經謂飲食自倍腸胃乃傷因而飽食筋脉橫解
故避而為痔其狀肛邊生鼠乳或痒或痛膿血時下謂
之牡痔

蛻皮丸 治牡痔肛邊生鼠乳疼痛寒熱

蛻皮

炙焦

附子 槐木耳 枯白礬 川歸

桑白皮

赤芍

一兩

楮根白皮

炙

共末入蜜杵九梧子大飲下三十丸

荊芥槐花散

治鼠乳牡痔便血痛不可忍

荊芥穗

槐花

炒

枳殼

炒

黃芪

蜜炙
二兩

共末空心飲下二錢

牝痔

論曰牝痔者由邪熱壅在肺經傳注大腸又大腸久虛風熱留滯故令肛邊生瘡而出血也名曰牝痔此皆酒

食房勞過度令毒氣攻注所為故又謂之酒痔

地榆湯 治牝痔肛門生瘡下血不止

地榆 子芩 赤芍 枳殼 檳榔 川歸

黃芪

炙一兩

水煎四錢空心溫服日二

淋洗白礬湯 治牝痔

枯白礬

研末每用五七分入沸湯內和勻浸洗日二差

脉痔

論曰脉痔者臟腑蘊積風熱不得宣通也風熱之氣乘虛流入下部故肛邊生瘡痒痛血出也蓋實為痛虛為痒今實熱乘虛下攻肛腸故痒且痛又脉者血之腑得熱則妄行故血乃出也

槐莢煎丸 治脉痔生瘡下血痒痛

槐莢

一斤洗入水
半斤研取汁

白蜜

二兩與莢汁
同煎成膏

防風

黃芪

炙五錢

杏仁

去皮
尖炒

皂莢子

炒三分

枳殼

炒一兩

其末與杏末拌勻入膏杵丸梧子大飲下二三十九日二

阿膠湯 治脉痔有蟲時作痒痛血出不止

阿膠

炒

艾葉

川歸

青箱子

一兩

水煎五錢溫服日二

薰洗槐白皮湯 治脉痔有蟲或下膿血

槐白皮

二斤

用水一斗五升煎一斗傾盆中坐薰湯冷再煖蟲當

隨便利自出仍用槐白皮為末綿包錢許內下部中
日二差

出蟲方 治脉痔下部如蟲咬

桃葉

十斤

搗研蒸熟乘熱入小口器中坐薰其蟲自出

滌痔散 同上

白礬

研一兩

取小便三升溫熱入礬末五錢乘熱洗之差

血痔

論曰血痔者乃肺熱流毒也肺與大腸為表裏今肺臟
蘊熱毒氣流滲入于大腸血性得熱則流散故因便而
肛腸腫痛清血隨出名曰血痔

蛭皮散 治血痔

蛭皮

燒灰
存性

白芷

黃芪

懷熟地

側柏葉

川續斷

地榆

川連

一兩

共末空心飲下二錢日二

地榆湯 治血痔

地榆 熟艾 防風 枳殼炒 龍骨 黃芪

桑木耳一兩

水煎五錢入生地一分溫服日二

蒲黃湯 治諸痔下血

蒲黃 川芎 生地 白芷 川連 川歸

白石脂 甘草一兩

水煎五錢空心溫服日二

黃芪散 治血痔下血不止

黃芪

蜜炙

枳殼

炒三兩

防風

兩半

共末空心飲下三錢日二

枳實槐角子散 治血痔下血久不差

枳實

麩炒

槐角子

木賊

五錢

共末用皂莢湯下二錢日二

腸痔

論曰腸痔者以腸胃有風挾熱二者乘虛入于腸間冲

發下部故令肛邊生核腫痛不消病始作令人寒熱時
有血出也

枳殼湯 治腸痔腫痛生核或發寒熱

枳殼

炒

子芩

白芍

黃芪

一兩

川芎

川歸

檳榔

煨

丹參

兩半

水煎五錢空心溫服日二

括萋散 治腸痔下血

括萋

大者一枚

烏梅肉

十枚

將萆切蓋去空以梅肉實其中仍蓋封用黃泥包裹
晒乾火煨存性研末溫酒下二錢日二

地榆散 治腸痔下部生核腫痛時發寒熱出血

地榆

槐花

半生
半炒

甘草

一兩

共末用枳殼桑白皮湯下二錢日二

又方 治一切痔淋洗

荊芥穗

生甘草

二兩

同末水煎一兩淋洗日二

白朮紫朴丸 治久積虛冷腸風痔瘻面色萎黃虛劣

白朮

紫朴

兩三

人參

甘草

川歸

兩一

黃芪

黑乾薑

陳皮

兩半

共末入蜜杵丸梧子大飲下二三十九

二根散 治腸痔有血

枸杞根白皮 白薔薇根白皮

兩二

共末水下二錢日二

氣痔

論曰氣痔者因便下血或肛頭腫凸良久乃收是也此由毒氣蘊積腸間及恚怒不節酒食過傷令下部氣澁壅結而成

烏蛇黃芪丸 治氣痔大便下血脫肛腫痛

烏蛇肉

五兩

人參

獨活

枳殼

地骨皮

一兩

郁李仁

去皮炒

羚羊角

三兩

黃芪

檳榔

半兩

大黃

炒

大麻仁

炒二兩

訶勒皮

一分

共末入蜜杵丸梧子大酒下二十九以利為度未利加九數

必效丸 治氣痔脫肛不收或生鼠乳時出膿血久不

差

枳殼

麩炒

黃芪

蜜炙

共末陳米糊丸梧子大空心飲下三十九日二

痔瘻

論曰五痔之疾或生鼠乳或發寒熱或生瘡痒痛或下膿血其症不一治之不早反勞傷過度則毒氣浸漬肌肉穿穴瘡口不合時有膿血故成痔瘻經曰痔久不差

變為痔瘻是也又或蔓穿數處或形似螺蛳膿血與肌肉綿綿而下故謂之痔瘻昔人謂蛻蟲居胴腸間多生瘻痔方中用薰法及化蟲之藥不可不察

乳香九 治一切痔瘻反花瘡

乳香

錢五

麝香

冰片

丹砂

沒藥

錢二

雄黃

黃蠟

生地

兩一

共末研勻化蠟九梧子大用麥冬湯下十九少留末塗瘡上

蝟皮丸 治五痔多年不差漸成痔瘻

蝟皮

炙焦

龍骨

煨二兩

附子

川歸

枳殼

炒

黑乾薑

兩半

黃芪

蜜炙

艾葉

三分

共末入蜜杵丸梧子大用黃芪湯下三十九

腸風下血

詳結陰下血

論曰腸風下血者由腸胃有風氣虛挾熱血得熱即妄行因而滲入腸間故令下血故以為名昔人謂先血後便為近血先便後血為遠血遠近之別不可不察

玉壺丸 治腸風下血

皂莢鉞

青嫩者半斤用水五升浸七日砂礪煮取汁一升又熬減半入蜜一兩熬成膏

胡桃仁十枚

枳殼火燒酒淬一兩

乳香 沒藥炙二錢

椿根白皮

陰地者炙一兩

共末入膏杵丸梧子大每服二十九

腸風下血煎木賊湯下 五痔疾荊芥湯下

時常瀉血米飲日下二

玉屑丸 治腸風下血及痔瘻藏毒久不差

槐根白皮

椿根白皮

苦楝根白皮

三兩三味搽時春宜早夏

宜

天南星

生

生半夏

五錢

威靈仙

一兩

寒食

麵

二兩

共末拌勻滴水丸梧子大每服三十丸先用水二鍾煎滾入丸令浮再服日二

琥珀散 治腸風及一切血痢脾臟下血不止

琥珀屑

研

赤小豆

白芷

枳殼

槐花

鹿角霜

一兩

上五味同炒焦黑為末入珀末拌勻空心米飲下二

錢日二

槐角子散 治腸風

槐角子

炒

防風

枳殼

炒五錢

黃芪

炙一兩

共末空心茶下一二錢

防風散 治腸風下血

防風

微炒

黃芪

炙二兩

炙甘草

人參

五錢

共末空心飲下二錢

白朮丸 治腸風痔瘻脫肛下血面色萎黃久不差

白朮

一斤用糯米三升同浸三日曬乾細切慢炒香為末

懷生地

半斤酒浸甑上

蒸熟爛
搗如泥

二味和勻用大力者搗二三千槌如硬入好酒蜜少

許九梧子大陰乾空心米飲下二三十丸日二

牡蠣散 治腸風下血不止及脫肛

牡蠣

大者醋
淬七次

細研如麵空心飲下二三錢日二

傷折門

傷折統論

論曰諸脉從肉諸筋從骨骨三百六十有五聯續纏固
手所以能攝足所以能步凡厥運動罔不順從若乃倉
卒之際墜墮倒仆傷折蹉跌患生不測詎可不圖療治
小則消腫而伸攣大則續筋而接骨各有方劑存焉當
按症施治

從高墜下傷損腫痛

論曰凡墜墮傷損腫痛輕者在外塗傅可已重者在內
當導瘀血養肌肉宜察淺深以治之

阿膠湯 治墜墮傷折手足痛

阿膠

白芍

兩半

生地

川芎

川歸

熟艾

一兩

黑乾薑

甘草

五錢

水煎三錢溫服日二

地黃糟裏方 治墜墮撲損筋骨疼痛瘀血凝滯腫熱

不消

懷生地 搗

酒糟 等分

看輕重下藥拌勻蒸熟塗傅患上用帛裏縛日一易

接骨膏 治一切打撲傷墜疼痛

續斷

一兩

白芨

附子

川歸

獨活

桂心

雄黑狗脊骨

燒灰

白斂

桑白皮

五錢

黃米

炒三合

共末用酒半鍾和藥末三錢白麵二錢生薑自然汁

少許慢熬成膏攤貼三日一換冬月用杉木皮綿繩

夾縛夏月以柳枝子五條夾縛雖緊不妨

續骨丸

黃蠟

煉過半斤

鉛丹

飛炒過

自然銅

醋淬七次

密陀僧

煨四兩

白礬

十二兩

麒麟竭

丹砂

飛過

乳香

灸去

焦油勿

沒藥

灸去油一兩

豬脂

十兩

先熬脂化蠟于冷處入僧丹銅末再熬攪滴水不散
又出鼎離火下諸末不住手攪至凝丸彈子大且用
笋皮襯之極冷收貯凡傷折用一九入少油化塗傷
痛處以油紙帛護之甚者以燈心裹木夾之又以一

九分作小丸熱酒下痛即止如藥力盡痛未除再一服骨上便安

玄胡索湯 治傷折疼痛筋骨未合肌肉未生

玄胡索 川歸 白斂 懷熟地 鹿角膠

綿黃芪 桑寄生 桂心

一兩

水煎五錢空心溫服日二蓋煖

傷折惡血不散

論曰脉者血之腑血行脉中貫于肉理環周一身因其

肌體外固經脉內通乃能流注不失其常若因傷折內動經絡血行之道不得宣通瘀積不散則為腫為痛治宜除惡瘀使氣血流通則可復完

黃芪湯 治傷折惡血凝滯腫痛

黃芪 白芍 附子 生地 桂心 川歸

續斷 一兩 大黃 生 川椒 乾薑 二兩

白水煎三錢溫服日二

糟米塗 治傷折赤腫惡血不散疼痛

酒糟

二斤

糯米

半升

用酒煮米熟入糟煮稀稠得所乘溫熱塗上用帛封裏煖一日一換以差為度

蒲黃散 治傷損惡血不散不欲聞人聲胸中氣塞便利出血

蒲黃

一合

生地

二兩

桂心

白芷

川歸

續斷

一兩

炙甘草

五錢

共末酒下一二錢日二

葱白塗 治一切墜落打撲腫毒疼痛

葱白

三十根

用灰火煨透乘熱搗爛塗患上用棉紙包縛令煖

筋骨傷折疼痛

論曰人之一身血榮氣衛循環無窮或筋肉骨節悞致傷折則血氣瘀滯疼痛倉卒之間失於調理所傷不得完所折不得續輕者肌膚焮腫重者髀肉剝脫治宜先整其骨續其所折後施貼熳封裏之劑

麒麟竭散 治筋骨損傷疼痛

麒麟竭 白芷 赤芍 沒藥炙去油 蒲黃

自然銅醋淬七次 生大黃 川歸五錢 桂心

荷葉 骨碎補去毛三分

共末空心酒下二錢日二

川芎散 治傷折腫痛血不散

川芎 桂心 附子 川椒炒 甘草

蘭葉一兩 大黃醋炒 川歸五錢

共末酒下二錢日二

接骨桂芸膏 治撲打筋骨傷折腫痛不可忍

桂心 芸苔子 白芥子 敗龜板 大黃

虎頭骨

酥炙

赤狗頭骨

燒灰存性

木別子

一兩

共末研勻用小黃米粥攤帛上摻末一匙裏損上以
竹片夾定繩縛七日

沒藥丸 治傷折筋骨疼痛

沒藥

炙研

丹砂

牛膝

一兩

為末研勻用酒麵糊丸梧子大丹砂為衣用木瓜湯

下二十九日二

八骨散 治筋傷骨損疼痛

虎骨

醋炙

龍骨

煨研

牛骨

醋炙

雞骨

醋炙

狗骨

兔骨

酥炙

羊骨

醋炙

猪骨

醋炙

楓香脂

自然銅

醋淬

七次

共末每有傷折以黃米粥熱攤布上摻末貼患處用布包裹以繩縛之

神授散 治傷折内外痛不可忍

川歸

鉛粉

五錢

蓬砂

二錢

共研勻用蘇木煎湯下二錢仍用粟米粥攤布上摻末貼腫處如骨碎用木皮竹帛夾定繩縛

五骨散 治傷折筋骨痛不止

鯪鯢甲項骨 虎頭項骨 猴獼項骨

黃犬項骨

野猫項骨

一兩

上五骨細剉以米醋好酒各半斤浸一宿炙黃為末

入後藥用

欽定四庫全書

聖濟總錄卷二十一

四十二

天雄

五錢去皮
臍炮裂

肉蓯蓉

五錢浸
洗炙

二味共末與上末拌勻每服酒下二錢日二又用粟

米為末醋煮成糊入末拌稠攤塗帛上貼痛處用帛

包棉裏煖痛立止

傷折風腫

論曰肌肉傷折皮肉破裂久而未合為外風所觸則令
肌肉受寒既不得收斂又與氣血相搏不得消散故為
風腫風腫不散即變膿血敗壞之疾

荊芥湯 治傷折風腫

荊芥穗 川歸 川芎 川續斷

一兩

共末酒下二錢日二

地黃川歸散 治傷折為風冷所侵肌肉不合腫痛

懷熟地 川歸 羌活 獨活

一兩

共末空心酒下二錢日二

沒藥散 治傷折風腫

沒藥 川芎 附子 白芷 川椒 川歸

檳榔 甘草 桂心 五錢

共末酒下二錢日二

川歸湯 治傷折皮肉破裂風毒內攻腫痛不消


川歸 大黃_炒 白芷 防風 烏頭_兩

水煎五錢溫服日二

黃蠟膏 治傷折風腫痛

黃蠟_{五兩} 桂心 吳茱萸_{一兩} 食鹽_{燒錢二}

共用為末以麻油化蠟入末熬攪勻成膏攤日一易



聖濟總錄纂要卷二十一

欽定四庫全書

子部

聖濟總錄纂要卷二十三

詳校官八醫院醫官_臣姜晟

編修_臣倉聖脉覆勘

總校官降調編修_臣倉聖脉

校對官主事_臣陳文樞

謄錄監生_臣楊其梓

欽定四庫全書

聖濟總錄纂要卷二十二

休寧程林纂

傷折門

打撲損傷

論曰打損撲傷或焮腫疼痛或血出不止外須以貼熨
塗傳內須服去瘀血養肌肉和血氣之劑次則生肌斂
口傳之以俟平復此治損傷之大法也

骨碎補散 治打撲損傷筋骨皮肉發熱疼痛

骨碎補

白芷

乳香

去油

生地

當歸

一兩

澤蘭葉

川芎

桂心

桃仁

五錢

甘草

附子

一分

共為細末溫酒調下三錢頃又服

地黃湯

治墜墮傷折手足痛

生地

川歸

一兩

阿膠

白芍

兩半

川芎

熟艾

一兩

骨碎補

一兩

桂心

甘草

五錢

水煎五錢溫服日二

二奇湯 治打撲損傷

威靈仙 骨碎補

各五錢

作一服酒煎盡量飲蓋暖出汗即愈

回生散 治打撲損傷疼痛

大茴 官桂 烏藥 紫荊皮 甘草

各一錢

右為末每服五分好生酒送下盡量飲取汗避風瘦
人三分大便出血即愈

被傷絕筋

論曰被傷絕筋者須觀其輕重治之接續之法要在氣血未冷之際外用續筋止痛藥傅裏內兼服藥調治庶幾可救緩則風冷入于裏則難治矣

聖功散 治筋骨傷折疼痛不止接骨續筋

硃砂

明雄

乳香

沒藥

俱去油
各一錢

麝香

一字

土鳖

十枚燒酒
浸死焙乾

右為細末磁餅封貯勿令洩氣用時強盛人服一字

瘦弱人服半字燒酒調下未愈再服

沒藥散 治跌打損傷骨折筋絕

乳香

去油

沒藥

去油

琥珀

二錢

土鱉

三箇燒酒浸焙

明礬

一錢

硼砂

一錢

麝香

三分

半兩錢

一箇醋淬七次

蟹爪肉

熟三錢

活牛角

刮取炒黃色二錢

右為細末每服五分白酒送下在下部食前服在上

部食後服

諸骨蹉跌

論曰諸骨蹉跌者墜墮倒撲傷折致諸骨蹉跌治之須扶骨對正用止痛生肌接骨之劑封裏內服藥調治倘骨碎者便當出之否則膿血不絕肌肉亦不能收斂則難愈也

接骨紫金丹

乳香

炙去油

紫荊皮

骨碎補

大黃

血竭

歸尾

硼砂

土鱉

燒酒浸死瓦焙乾

自然銅

煅淬七次各一兩

右為細末每服七分半熱酒調服其骨自接此方

治打撲骨折瘀血攻心發熱昏暈其瘀血自下吐血等症皆可服之如骨接而諸症未去者去土鱉自然銅更服五分即愈

傷損止痛生肌

論曰傷折之候皆因刑杖跌撲損傷或焮腫痛或血出不止大抵最忌服冷物恐血凝入心之故內服之劑要在溫補和血止痛為主至於斂口生肌之外用豈可偏廢哉

虎骨散 治打撲損傷疼痛不止并治筋骨疼痛血風走注疼痛皆治

虎骨

炙

自然銅

醋淬七次

地龍

水浸曬乾

牛膝

漏蘆

延胡索

威靈仙

龜板

炙

桂心

當歸

各一兩

共為細末每服一錢煖酒調下

生肌散 治打撲墜墮損傷諸骨蹉跌筋絕血出疼痛不止傳之即愈并治一切癰疽腫毒膿水將盡時用之

去腐生肌金瘡刀斧傷血出疼痛不止者傳之神妙

白蠟

合歡皮

乳香

去油

赤石脂

煨

沒藥

去油

血竭

海螵蛸

去殼

雄黃

龍骨

煨

兒茶

樟腦

各二錢

土蟹

焙乾三枚

蟹爪肉

熟

白芷

枯礬

各一錢

硃砂

一錢

麝香

一字

金箔

少許

右為細末磁罐收貯每用少許傳傷處立能止痛止血合時須五月五日或天醫日合為妙

傷折貼燭并膏藥

論曰傷折之症輕則肌膚腫痛重則肉脫血出既整其骨內服去瘀生肌之劑外必以貼煖膏藥并用可也

接骨方 治打撲墜損傷手足骨折

用雄雞一隻約一斤重者生去毛生去爪嘴開腹底
垂生氣即搗爛用五加皮研末和入搗之以勻為度
勿太爛勿過乾用時先以五加皮煮無灰老酒飲至
極醉將骨折處用手按平將雞藥傅上棉帛縛之如
今日此時縛至明日此時解開其骨即生滿矣如過

一時其骨即長一寸 如骨接後而尚痛者以黑豆炒焦色用老酒沃之搗爛傳上半日一換

糟米塗 治跌打損傷疼痛

糯米

升一

酒麴

三九

將糯米煮熟如飯入酒麴和勻乘熱塗上用帛封裹
三日一換酒香即愈

龜板膏 治打撲損傷疼痛

敗龜板

一枚燒灰

虎骨

燒灰

白芥子

生大黃

川歸

錢五

滴乳香

灸

沒藥

分灸一

右為末研勻用小黃米粥攤帛上摻末一匙裏損上以竹片夾定繩縛七日

雜療門

中藥毒

論曰炎帝嘗百草而著本經分上中下三品聖功極矣漢唐以來漸增致千百種之繁蓋無毒之中而有有毒者後代庸民去聖已遠不審良惡偶誤餌之經云有病

病當無病胃傷不急救之漸致危斃古方用甘草菜豆能解諸毒亦用諸藥而各相制伏者

冬青汁飲 解砒霜毒

先用白蠟為末和新汲水服之護其腸胃仍以冬青葉搗汁灌之以大便去毒為度如冬月無葉以根搗汁和水代之

解中砒霜方

羊血 雞血 各一鍾

和勻服之

又方

稻稈

燒灰新汲冷水淋汁濾清冷服一碗毒即下

黃連湯 解中巴豆毒

黃連 黃栢

錢各五

水二升煎一升候極冷服之忌服熱物仍以冷水浸兩手

又方

寒水石

一味為末煮汁飲之

解烏頭附子天雄毒

遠志

一兩

防風

五錢

水煎汁飲之

服諸石藥中毒解方

白鴨屎汁

水和服之

解中大戟毒方

石菖蒲

一味煎汁服二升差或生搗汁更妙

解芫花毒方

防風 甘草

防已等分

三味水四升煎二升服之

解射罔毒方

藍汁 大豆

菜豆

二合

藕汁

一鍾

二豆煎汁和勻服之

解甘遂毒方

大豆

五合

水三升煎升半服之

食毒

論曰飲食雖以養生亦有時而傷生何也凡食物諸品莫不有陰陽五行具焉漫不察其寒溫燥濕之性順逆宜忌之因人性南北異稟食物南北異種一或犯之棘

喉潰腹可不慎與倘誤中其毒宜服藥解之

解一切飲食毒方

大豆

五合

大粉草

五兩
微炒

二味搗細用水四升煎二升溫服須臾或吐或瀉毒
即隨去雖甚渴不可飲水

又方 治誤飲饌中毒者未審中何毒卒急無藥可解

薺芩 甘草

一兩

水二升煎一升服之入口便活

食諸菜蕈菌中毒

論曰諸菜雖地產陰物而能養生然氣有寒濕性有善惡偶不審辨之其不為禍也幾希如諸蕈菌夜有光者煮不熟者煮訖其湯照人無影及欲爛無蟲者皆不可食倘誤中其毒以地漿諸藥解之

解食諸菜毒方 治食諸菜中毒發狂煩悶吐下欲死
葛根

生搗汁一升服之良或無生者即搗乾葛末水和服

之煮服之亦可

治食諸菜毒方

苦參

二兩

甘草

一兩

苦酒二升同煎數沸去滓服吐出即愈

治諸菌毒方

地漿水

掘地作坎以水沃其中攪之令濁俄頃取之飲三四鍾即解 又兼治楓樹菌誤食之令人笑不止飲之

即解

又方

橄欖

七枚
去核

搗為泥服之

又方

防風

二兩

甘草

一兩

用水四升煎至二升須冷飲即解

解食諸葷毒方

木香 青皮

等分為末煎湯飲之

飲酒中毒及大醉不解

論曰本草謂酒通血脉厚腸胃禦霧露瘴氣敵風雪寒
威惟糯米麵麵為良隨處出者名多不一或用諸燥藥
為麵皆大熱有毒惟菜豆能解之若恣飲過多助火亂
性腐腸損身倘中其毒及大醉不解者急宜服藥解之
黃連解毒湯 治縱飲熱酒中酒毒煩亂躁渴引飲面

赤眼紅小便澁少

黃連 黃栢 黃芩 山梔仁

等分

水煎五錢溫服

解醒丸方

葛花^{一兩} 桂花 菊花 五味子 烏梅肉

五錢

共末蜜丸彈子大每用一二丸預先化下能解酒毒
若已醉者服之能解

飲燒酒醉死急救方

先用冷豆腐厚傅胸膈以護其心仍急用清水煮滾
用鍋數箇取氣汗水三鍾徐徐灌下即解

治酒醉不醒方

甘草

五錢

萊豆

去殼
一合

水二升煎一升溫服

又方

甘菊花

九月九日採取陰乾為末清飲調下三錢

酒醉不醒方

葛根

生搗汁飲一二升即差

又方

菰菜子

二合

細研井華水一鍾調為二服

食牛馬猪犬魚蟹中毒

論曰天產屬陽地產屬陰禽獸皆陰陽生物氣味各有

冷熱之殊性有好惡之異大抵諸肉補陽能助起濕中
之火素問云膏粱之變足生大丁故諸肉如熱血不斷
落水不沉及病牛壞馬魚目有瞋目能開合腦有連珠
鰕煮不灣蟹腹有毛及諸肉形色異常皆有毒不可食
孔子色惡不食臭惡不食者此也倘中其毒宜服藥解
之

解一切牛馬肉毒方

大粉草

細切微炒搗細量病人喫得多少酒取無灰酒一處
研去滓溫服須臾大吐瀉毒亦隨去雖十分渴不可
飲水飲水難救

解中雞子毒方

醇醋

飲三四口即解

治食狗肉不消心下堅硬或臍脹口乾忽發熱妄語方

韭根

杏仁

一兩

蘆根

三兩

水四升煮取二升飲之

治食魚肉毒方

苦參

三兩

以苦酒一升煎三五沸去滓服吐出即愈

解諸魚毒方

陳橘皮

二兩

水三升煮取升半去滓服即愈

又方

蘆根

三兩

剉碎水三升煮一升飲之即解

治河腫毒解方

扁豆

五兩

水四升煮汁二升服之即解

又方

橄欖

十枚

水二升煎汁一升服

治解鼈毒方

黃芪

吳藍等分

水煎一兩服之即解

治蟹毒方

冬瓜

生取汁飲一二升即解

又方

紫蘇

一握

搗汁一升飲之差如無生者乾者煎汁飲之

又方

乾蒜

七枚

煮汁飲之即愈

解金銀銅鐵石毒 治誤食金銀銅鐵方

蠶豆

炒

研為細末砂糖調服即從大便出

解金毒方

斑鳩肉

治如食法煮食之解或鷓鴣肉食之

又方 治吞金欲死

鴨一隻

殺取血飲之即解

解金銀銅鐵毒

雞屎

水淋取汁服之或鴨屎汁亦可

解鐵毒方

磁石

為末水服三錢

蠱毒

論曰蠱毒者嶺南人多作之凡病人中蠱其狀令人心腹切痛如有物咬或吐下血不即治之蝕人五臟盡即死欲知是此當令病人吐水沉者是浮者非亦有以蟲蛇合作蠱藥著飲食中使人病瘕此一種一年死治之

之法當服藥使呼蠱姓名即去亦有服諸藥而制伏者
蠱毒方 治卒中蠱毒下血如鶩肝晝夜不絕臟腑壞
敗待死

敗鼓皮

燒灰酒服三錢須臾自當呼主姓名即差

試中蠱毒方

雞子

一枚

煮熟去殼以小銀簪一枝插在蛋內含口中一頓飯

時視簪蛋俱黑即是中蠱 倘若人與飲食以犀角攪之有白沫泛起即有毒也用後方

石榴皮飲 治中蠱毒

石榴根皮

東引者

剉一兩煎濃汁飲之即吐出活物

又方 治中蠱毒吐下血如爛肝

苦瓠

一枚

水二升煮取一升服立吐即愈 又方煮苦瓠令消

服神驗

治蠱毒神驗方

胡荽根

搗爛絞汁半升和酒服之立下

治蠱毒神驗方

玳瑁

以水磨濃汁飲服一盞即解

治中蠱毒或吐下血如爛肝方

蚯蚓

十四枝

以苦酒二升漬之蚓死但服其汁已死者皆可活
治蝦蟆及蝌蚪蠱得之心腹脹滿口乾思水不能食悶
亂大喘而氣絕方

車轄脂

半升

和溫酒一升漸漸服之其蠱自出

又方

刺蝟皮

燒過為末水服三錢當吐出毒

治蠱毒方

牡丹根

搗羅為末每服一錢日三良

治中蠱毒方

胡荽子

五合

酒二升煮汁一升服之

狗咬 治狗咬方

甘草

杏仁一兩

紫蘇五錢

水四升煎去滓溫服更以三味末傅咬處

又方

生鐵

不拘多少煮令有味洗之

又方

乾薑

為末內瘡中立差

獬犬齧

論曰獬犬齧者犬發狂疾跑躁齧人若中之令人疼痛
不止發狂如犬聲不急治之亦能殺人男子過三日不
治婦人過五日不治

治獬犬齧方

地榆
一兩

水二升煮汁一升飲之兼為末傅瘡上每服末三錢
白湯下日三服忌酒若瘡已差者搗生韭汁飲三升

又方 治獬犬齧瘡

礬石

為細末摻內瘡中裏之立止痛其瘡即愈

又方

生地黃

搗汁飲四五合并塗瘡口

治獬犬齧方

小兒胎髮

炒

新香附 野菊花

研細末酒調服盡醉

又方

鼠屎

二升

燒存性為末傅瘡上

蛇螫

論曰諸蛇螫人如青竹赤練虺蛇地匾之類皆有大毒
倘中人不急治之則能殺人也

雄黃散 治諸蛇毒螫人欲死佩之兼辟蛇毒

雄黃 乾薑

各等分

共為細末傳螫處如辟蛇毒用小絹袋盛繫臂上男

左女右蛇聞藥氣遠避

香白芷散 治諸蛇螫辟蛇毒

香白芷

雄黃

蓼根

各等分

麝香

少許

共為末醋調傳螫處立愈欲辟蛇焚之即遠遁去

一方用菊花根汁調傳尤妙

治一切蛇螫方

金線重樓

水磨少許傳螫處又為細末酒調飲之

治毒蛇螫人方

地榆根

搗爛絞汁飲之兼漬之

治蛇入口并入七孔中方

母猪尾尖割斷瀝血滴口中即出

治蛇螫方

鳳儼花

搗爛傳之即愈

辟蛇方

若蛇到燒殺羊角令有烟出蛇即去矣

治蛇齧方

人糞

先以火酒洗過次以糞傳齧處差

治蠍螫人方

活蜘蛛

一
枚

爛研取汁傳之即差

治九里蜂螫方

處士劉湯隱居王屋山曾見一大蜂誤落蛛網為蜂所螫墜地俄頃蛛腹脹欲裂徐徐行入草中咬開芋梗以傷就咬處磨之良久腹漸消輕走如故自後有被蜂螫者將芋梗傳之即愈

治蜂螫人方

羊酥

傅之即愈

蜘蛛蟲等咬傷方

綉鐵

即鐵上鎔衣取和獨蒜磨傅咬處

治蜈蚣咬傷方

取活蜘蛛一枚放咬處則能吸其毒如蜘蛛死痛未
未知更著生者以愈為度

又方

蝸牛

搗取汁滴入咬處

又方

苦參末 百齒霜

即頭垢膩

二味酒調傅之

治蜈蚣咬方

桑白皮

生者取汁和白鹽傅之

溺水死

論曰凡溺水死心氣尚溫而脉未絕者宜換去濕衣以厚衣裏之灌以熱湯可活切忌火烘恐寒熱相搏之故若或犯之則不能救也

治水溺死灸法

艾炷如黃豆灸臍五七壯如不應移上一二分再灸數壯可活

溺水死方

皂角

為末綿裹內穀道中須臾出水即活

自縊欲死 治縊死灸法

凡自縊死用麵塊塞糞門勿急剪繩用二人扶定將繩解鬆用艾火灸臍七壯如不應移上一二分再灸只在上下臍孔間不住灸至數十壯猶有活者不可因臍傷釋手至囑至囑令數人搓手心脚心熱更好

五絕散 治自縊死併溺死

半夏

一兩

搗篩為末丸如豆大內鼻中即愈心溫者一日可治
治自縊死方

梁上塵

如大豆各內一筒中四人各一筒同時極力吹兩耳
鼻中即活

治自縊死定安心神徐緩解之慎勿割繩斷抱定心下

猶溫者

雞冠血

刺取之滴口中即活男雌女雄

又方

雞屎白

如棗大酒半盞和灌之及鼻中佳

聖濟總錄纂要卷二十二